

RADIO TELEVIZIJA FEDERACIJE
BOSNE I HERCEGOVINE



RADIO AND TELEVISION
OF THE FEDERATION
OF BOSNIA AND HERZEGOVINA

Broj: 4110-01/42

Sarajevo, 11.11.2025.g.

PARLAMENT FEDERACIJE BiH
Predstavnički/Zastupnički dom

N/r g. Dragana Miokovića, predsjedavajućeg
N/r g. Sanela Kajana, zastupnika

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno:			
Org. jed.	Broj	Priloga	Vrijednost
05/1	- 02 -	617	25

Predmet: Odgovor na zastupničko pitanje od 29.10.2025.g., broj:05/1-02-617/25

Poštovani zastupniče Kajane,

zahvaljujemo na Vašem upitu i interesovanju za rad Radio-televizije Federacije Bosne i Hercegovine. Ozbiljno shvatamo svaki upit našeg osnivača, te Vam, stoga, dostavljamo detaljan odgovor.

Na zastupničko pitanje koje ste nam dostavili u dopisu protokolarnog broja 05/1-02-617/25, citiram: „**Ko je, na osnovu koje odluke ili zakona, donio odluku da se iz imena javnog radijskog servisa i televizijskog emitera izbaci 'Bosna i Hercegovina'?**“, dostavljamo sljedeći odgovor:

Nazivi preduzeća, organizacijskih jedinica i medijskih dijelova su od osnivanja regulirani kroz statute RTVFBiH. Statute su donosili upravni odbori na osnovu zakona koji su tada bili na snazi.

Trenutno važeći Zakon iz 2008. godine, član 28. o Nadležnostima Upravnog odbora, stav i) kaže da je Upravni odbor nadležan da: „odlučuje o nazivu i logu radija i televizije“.

Shodno tome, upravni odbori su kroz statut preduzeća donosili odluku o nazivima organizacijskih/medijskih cjelina, vodeći se potrebama evolucije naravi i funkcionalnosti medija u periodu od 2000. do 2025. godine.



Napomena, ni u jednom statutu od osnivanja do danas nije mijenjan naziv pravnog lica – Javnog preduzeća medijskog servisa, koji je istovjetan i glasi „Radio-televizija Federacije Bosne i Hercegovine.“

Hronologija statusa naziva organizacijskih/medijskih cjelina kroz statute koje su donosili različiti upravni odbori je sljedeća:


1.

Radio-televizija Federacije Bosne i Hercegovine je osnovana 20. 6. 2000. godine, emitiranje programa je počelo krajem 2001. godine, tada važeći Statut je donesen 2. 9. 2002. godine u kojem je reguliran naziv medijskih dijelova Preduzeća na sljedeći način, u članu 2. spomenutog Statuta:

„Program Radio FBiH, Program Radio 202 i program TVFBiH“.

U potpisu Statuta je predsjedavajući Upravnog odbora RTVFBiH Slavo Kukić.

U navedenom periodu, u programu, vizuelni identitet i logotip su bili kako slijedi (fotografije arhivskog dnevnika iz 2001. godine, dijelovi emitovani 2021. godine, povodom 20 godina RTVFBiH):





2.

Sljedeći važeći Statut je donesen 23. 11. 2007. godine. Potpisnik predmetnog Statuta je Slavo Kukić. U okviru tog Statuta u članu 6. je izmijenjen naziv organizacijskih/medijskih jedinica na sljedeći način - „RTVFBiH svoje programe emitira na dva radio-kanala i jednom tv-kanalu. Nazivi radijskih kanala su: 'Radio FBiH' i 'Radio 202', dok televizijski kanal nosi naziv 'Federalna televizija'“.

3.

Sljedeći Statut koji je donesen u oktobru 2025. godine u članu 22. prilagođava sadržaj Statuta s faktičkim stanjem, i, s obzirom na to da više ne postoji Radio 202, a uspostavljen je rad informativnog portala, imenuje sljedeće organizacijske/medijske cjeline: „Naziv radijskog kanala je Federalni radio, televizijski kanal nosi naziv Federalna televizija (FTV) i internetski portal www.federalna.ba“.

Shodno gore navedenom, odgovor na vaše pitanje glasi:

Iz naziva Javnog servisa Federacije Bosne i Hercegovine dio „Bosna i Hercegovina“ nikad nije izbačen. Iz naziva Televizije, dio „BiH“ izbacio je Upravni odbor donošenjem Statuta 2007. godine. Predmetni Statut je odobrio Parlament Bosne i Hercegovine.

Još jednom podsjećamo da zvanični naziv Javnog emitera nije mijenjan i da sadržava termin „Bosna i Hercegovina“, te da je termin „Bosna i Hercegovina“ sadržan u nazivu naše zvanične veb-stranice „Radio-televizija Federacije Bosne i Hercegovine“.

Stojimo na raspolaganju za sva daljnja objašnjenja i upite.

S poštovanjem,

Daniela Gogić,

predsjedavajuća UO RTV Federacije Bosne i Hercegovine

Bakir Hadžiomerović

generalni direktor RTV Federacije Bosne i Hercegovine



**Parlament Federacije Bosne i Hercegovine
Predstavnički dom**

RTV Federacije Bosne i Hercegovine
Na ruke: g. Bakir Hadžiomerović, direktor
Upravni odbor RTV Federacije BiH
Bulevar Meše Selimovića 12
71000 Sarajevo

Država: Bosna i Hercegovina
Federacije Bosne i Hercegovine
**PARLAMENT FEDERACIJI
SARAJEVO**

Priloga: 25-10-2025			
Org. jed.	Red.	Priloga	Vrijednost
05/1	-02-	617	125

ZASTUPNIČKO PITANJE

Na osnovu člana 116. Poslovnika Predstavničkog doma Parlamenta Federacije Bosne i Hercegovine, u okviru vršenja svojih zastupničkih dužnosti, postavljam zastupničko pitanje Radio-televiziji Federacije Bosne i Hercegovine:

Ko je, na osnovu koje odluke ili zakona, donio odluku da se iz imena javnog radijskog i televizijskog emitera izbací "Bosne i Hercegovine"?

Obrazloženje:

U članu 7. Statuta RTV Federacije BiH jasno je propisano da je **službeni naziv javnog preduzeća "Radio-televizija Federacije Bosne i Hercegovine"**, dok je u članu 22. navedeno da "naziv radijskog kanala glasi Federalni radio, televizijski kanal nosi naziv Federalna televizija (FTV), a internetski portal federalna.ba".

Kao neko ko je godinama radio i na Radiju i na Televiziji Federacije BiH, vrlo dobro se sjećam da je radio nosio naziv **Radio Federacije Bosne i Hercegovine**, jer sam bio dio prve ekipe urednika tog medija, odmah po njegovom osnivanju. Takav naziv je korišten dugi niz godina, sve do nedavnog izbacivanja riječi "Bosne i Hercegovine" iz naziva.

Televizija se, također, u početnom periodu predstavljala i potpisivala kao **FTV BiH**, o čemu svjedoče i odjavne špice brojnih dokumentarnih emisija i filmova, uključujući one iz 2002. godine.


Međutim, ubrzo nakon toga, bez javnog obrazloženja i bez poznate odluke, skraćeno je ime u "FTV" — izostavljajući "Bosne i Hercegovine".

To nije samo pitanje forme, nego pitanje **identiteta javnog servisa** čiji je osnivač upravo Parlament Federacije Bosne i Hercegovine.

Kao predsjednik Komisije za informisanje Predstavničkog doma, koja je direktno nadležna za ove medije, ali i kao zastupnik Parlamenta Federacije BiH, **zahtijevam jasan i konkretan odgovor** – na osnovu čije odluke je promijenjen naziv i ko je takvu odluku odobrio.

Očekujem da mi u **zakonskom roku od 15 dana** nadležni iz RTVFBiH dostave pisani odgovor na ovo pitanje.

S poštovanjem,


Sanel Kajan
Zastupnik u Predstavničkom domu
Parlamenta Federacije Bosne i Hercegovine

Sarajevo, 29.10.2025.